


საგზიელო



საორტული გაზეთი სამაგაბათი 8 აგვისტო 2006 №181 (2803)

ფასი 50 თეთრი

შოთა სათუოა, მუჯირი უთუო




უცვლები თამაშამდე: ტრავმატული კითხვის ნიშნები

ახლოდება 16 აგვისტო, საქართველოს ნაკრების პირველი მატჩი ევრო 2008-ის შესარჩევში, კლასს ტომიოლერის ოფიციალური დებიუტი ჩვენს უპირველეს გუნდში და აი, ახალი სანაკრებო ამბავიც — კიევის „დინამოს“ შემტევ ოთარ მარცვალაძეს ტრავმა ისე გაუმიზეზდა, რომ 16 აგვისტოს ფარერებთან მატჩში ვერ ითამაშებს და ტომიოლერმა მის მაგივრად რუსული „კრილია სოვეტოვის“ შემტევ დავით მუჯირს უხმო.

სათუოა ფარერებთან ალკმარელი შოთა არველაძის გამოჩენაც. არველაძემ გასულ უქმეებზე ლონდონის „არსენალთან“ ამხანაგურ მატჩში ითამაშა და ორი საგოლე მომენტიც შექმნა, მაგრამ დაჭიმული კუნთი ასტკივდა.

რაც შეეხება მილანელ კახა კალაძეს, მას მუხლის მყესი აქვს განყვეტილი, მაგრამ უოპერაციოდ უნდა მომჯობინდეს და იქნებ 2 სექტემბერს საფრანგეთის ნაკრებთან ითამაშოს კიდევ.



**ტოპი
მსოფლიოს
ჩამპიონთან
საქართველოს
ნაპრების თავგაბცი
ბერლინში მიიწვიეს**



**მოჯადოება
ინტერვიუ
მიხეილ აფხეთიასთან**



**კრესპომ
ისევ ის
ჩაიბვა,
რაც სამი
წლის წინ
გაიხადა
მქსრელსელი
ინტერვიუ
დაბერდება**

მუხების რა მოგახსენოთ, მაგრამ იქ, სადაც ქვემეხები ისვრიან, ფეხბურთის სათამაშო ადგილი აღარ რჩება: ახლო აღმოსავლეთში ომია გაჩაღებული და უეფამ ბრძანა, რეგიონში შექმნილი სიტუაციიდან და უსაფრთხოების თვალსაზრისიდან გამომდინარე, ისრაელის მიწაზე ევროთასების მატჩების ჩატარება შეუძლებელია.

უეფამ ამის შესახებ ისრაელის ფეხბურთის ასოციაციასა და ევროთასებზე მოთამაშე იქაურ კლუბებს ადრევე აცნობა და გუშინ კი ცნობილი გახდა ის ნეიტრალური ქვეყნები და სტადიონები, რომლებიც ებრაული გუნდების მონაწილეობით გასამართ მატჩებს უმასპინძლებენ.

ზეგ, 10 აგვისტოს, უეფას თასის მეორე საკვალიფიკაციო ეტაპის მატჩში თელ ავივის „ჰაპოელი“ სლოვენურ „დომეალეს“ ჰოლანდიის ქალაქ ტილბურგში დაუხვდება, ხოლო თელ ავივისავე „ბნეი იეჰუდა“ ბულგარულ „ლოკომოტივს“ სლოვაკურ სენეცში შეხვდება.

ისრაელისგან შორს, ნეიტრალურ სტადიონებზე ჩატარდება ორი კვრის შემდეგ გასამართი მატჩებიც — 23 აგვისტოსთვის დანიშნული ჩემპიონთა ლიგის მესამე საკვალიფიკაციო ეტაპის საპასუხო შეხვედრა ჰაიფას „მაკაბისა“ და ინგლისურ „ლივერპულს“ შორის და მეორე დღეს, ანუ 24 აგვისტოს ჩასატარებელი თამაში „ბეთლანსა“ და ბუქარესტის „დინამოს“ შორის.

ამავდროულად, უეფამ ისრაელის ფეხბურთის ასოციაციას სთხოვა, შეიმუშავოს სათადარიგო გეგმაც და მოითხოვა, რომ რაც შეიძლება სწრაფად მიიღოს წერილობითი დასტური და უსაფრთხოების გარანტიები იმ ქვეყნების ხელისუფლებისა და საფეხბურთო ასოციაციებისგან, რომლებიც ისრაელის გუნდების მონაწილეობით გასამართ მატჩებს უმასპინძლებენ.

უეფამ ისრაელის კლუბები გაანეიბრა



**ომთან თამაში
არ შეიძლება!**

საქართველოს
ინფორმაცია



ტოპი მსოფლიოს ჩემპიონთან... საქართველოს ნაკრების თავკაცი ბერლინიში მიიწვიეს

11-13 სექტემბერს ფიფა და უეფა ბერლინიში საგანგებო კონფერენციას ჩაატარებენ, რომელშიც 52 ევროპული ნაკრებისა და მუნდიალზე მონაწილე ნაკრებთა თავკაცები მიიღებენ მონაწილეობას. ფიფა-უეფამ უკვე დაიწყეს სხვადასხვა ფეხბურთის ფედერაციებში მოსაწვევი ბარათების დაგზავნა და, ცხადია, ერთი მათგანი საქართველოს და კლაუს ტოპიოლერსაც შეხვდება. „ჩვენი მიზანია, ფეხბურთის განვითარებასა და მომავალზე ვიმსჯელოთ“ — განაცხადა უეფას აღმასრულებელ-განმკარგულებელმა ლარს-კრისტერ ოლსონმა, ვინც, სხვათა შორის, რამდენიმე თვის წინ თბილისში გახლდათ. თავიდან მწვრთნელები მსოფლიოს ჩემპიონატს გააანალიზებენ, გაარჩევენ ტაქტიკურ ვარიანტებს და გაეცნობიან ახალ წესებს. ასევე მოუსმენენ მსოფლიოს ჩემპიონ მარჩელო ლიპის, რომელთანაც მცირე დისკუსიაც გაიმართება.

კახა შალაგზიანი

2008 წლის ევროპის ჩემპიონატის შესარჩევი ეტაპი. B ჯგუფი ჩვენი მეტოქე

უკრაინა სეზონს პარჯით იწყებს

გუშინ უკრაინის ნაკრების თავკაცი იმ 21 ფეხბურთელის ვინაობა გამოაცხადა, რომლებსაც 15 აგვისტოს აზერბაიჯანთან ამხანაგურ მატჩში ათამაშებს. ბლოხინის სიაში ერთი დებიუტანტია — ახალგაზრდული ნაკრების წევრი ტარას მიხალივი. სიაზე ისიც, რომ ხანგრძლივი პაუზის შემდეგ გუნდში დაბრუნეს ალექსანდრ რიკუნი. აქვე გეტყვით, რომ უკრაინის ნაკრებს საქართველო ევრო 2008-ის შესაბამის ტურში, 6 სექტემბერს სტუმრად ეთამაშება, მანამდე კი ჩვენებს, გეცოდინებათ, ფარერებთან და საფრანგეთთან მატჩები ელით. **მეპარკები:** ვიაჩესლავ კერნოზენკო (დნიპრო), მაქსიმ სტარცევი (კრევის); **მცველები:** ანდრეი ნესმაჩნი (დინამო, კიევი), ანდრეი რუსოლი (დნიპრო), ვიაჩესლავ სვიდერსკი (შახტარი), ალექსანდრ კუჩერი (შახტარი); **ნახევარმცველები:** ოლეგ გუსევი (დინამო, კიევი), სერგეი რეპროვი (დინამო, კიევი), რუსლან როტანი (დინამო, კიევი), ტარას მიხალივი (დინამო, კიევი), ანდრეი გუსინი (კრილია, რუსეთი), ანატოლი ტიმოშჩუკი (შახტარი), სერგეი ტკაჩენკო (შახტარი), მაქსიმ კალინინჩენკო (სპარტაკი, რუსეთი), ოლეგ შელაევი (დნიპრო), სერგეი ნაზარენკო (დნიპრო), ალექსანდრ რიკუნი (მეტალისტი); **თავდასაცემები:** ანდრეი შევჩენკო (ჩელსი, ინგლისი), ანდრეი ვორონინი (ლევერკუზენი, გერმანია), ანდრეი ვორობეი (შახტარი), ალექსეი ბელივი (შახტარი). შეგახსენებთ: აზერბაიჯანთან 15 აგვისტოს ამხანაგური მატჩი ბოლო სანაკრებოა, რომელშიც ანდრეი გუსინი ითამაშებს — უკრაინის ნაკრების ერთ-ერთი საკვანძო ფიგურა ეროვნულ გუნდს ეთხოვება.

კახა შალაგზიანი

საფრანგეთი
II დივიზიონი. III ტური
ლიგური 2:4 პასტია
ნორვეგია
ტიკალიზა. XVI ტური
ფრანკიშტადი 2:2 პამ კამი
ჩეხეთი
გამბრინუსლიზა. II ტური
პლზანი 0:1 სპარტა

უგანდა
ალსვენსკა. XIII ტური
იოსტარსი 3:1 პალსტადი
სუპერმეტა. XVIII ტური
ლანდსკრონა 0:0 ბრომანოპარნა
ტრელეგორგი 2:1 პასკი
ირლანდია
ლიგის თასის
ნახევარფინალი
შელგორნი 1:0 ბოკაშიანსი

ამხანაგური მატჩი

დუნიპურბი (გერმანია) 1:2 შალკე (გერმანია)

განთი და განარაგული დღეს გადამდგა

შახაპლო, თელავის „კახეთი“ დღეს უმთავრეს მწვრთნელოდ დარჩეს — ამ უქმეებზე ეროვნული ჩემპიონატის მეორე ტურში „კახეთმა“ რუსეთის „ოლიმპთან“ 0:7 წააგო... ჯემალ მახარაშვილი თელავის „კახეთს“ მაშინ ჩაუდგა სათავეში, როცა წინა სეზონი რამდენიმე ტურის დაწყებული იყო. მახარაშვილმა ამოცანას წარმატებით გაართვა თავი — თელავის „კახეთმა“ უმაღლეს ლიგაში ადგილი შეინარჩუნა. დღეს მახარაშვილი თელავის გამგებელს და „კახეთის“ პრეზიდენტ გორა მამაცაშვილს უნდა შეხვდეს. ერთი ჩაფლავებული თამაშის გამო მწვრთნელს არ ხსნიან, მაგრამ ამ შემთხვევაში გადადგომის სურვილი თავად მახარაშვილისგან მოდის და ვნახთ, რას გადაწყვეტენ მწვრთნელი და პრეზიდენტი.

დავით თავართქილაძე



ჩელიაბინს-კი? დიდი ზანსია და ფეხბურთის რუსეთში უხეშ

დიდი ზანსია, „ვიტ ჯორჯიას“ სამსეზონოდ კიდევ ორი წამყვანი ფეხბურთელი გამოაკლდეს — დავით დიდილაშვილით და გიორგი ფეიქრიშვილით რუსეთის პირველი დივიზიონის „ჩელიაბინსკი“ დაინტერესდა. წინა სეზონის შემდეგ „ვიტ ჯორჯია“ დატოვა დავით იმედაშვილმა, ვინც გუნდის მართლაც გამორჩეული ფეხბურთელი იყო. იმედაშვილი კიევის „დინამო“ შეიძინა და ახლა „ვიტ ჯორჯიამ“ ვინძლო რუსეთშიც გაასხვისოს ფეხბურთელები. 26 წლის დიდილაშვილი და 23 წლის ფეიქრიშვილი გუშინ უნდა გამგზავნულიყვნენ ჩელიაბინსკში და მათი ამ გუნდში ჩარიცხვა-არჩარიცხვაც რამდენიმე დღეში გაირკვევა.

ლუკა თალაგზიანი

ქართველები, სომხები და შავი ზღვა პირველი იყო 1:0. გალე იქნება სხვა

გუშინ ბათუმში საქართველოს 17-წლამდელთა ნაკრებმა სომეხ თანატოლებს 1:0 მოუგო. გოლი გიორგი კვარაცხელიამ გაიტანა. ჰერბერტ ცანკერის გუნდი მთელი მატჩის განმავლობაში ფლობდა უპირატესობას, თუმცა თამაშის ხარისხი მაღალი არ ყოფილა, რაც ალბათ ხვატის ბრალიც იყო.

10 აგვისტოს ქართველი იუნiorები ერთხელაც გვეჯიბრებიან ამხანაგურად სომხეთის 17-წლამდელთა ნაკრებს. ცანკერის განკარგულებაში 25 ფეხბურთელია, აგვისტოს ბოლოს კი გუნდი ლიტვაში პალანგის საერთაშორისო ტურნირზე ითამაშებს და ცანკერი იქ 18 ფეხბურთელს წაიყვანს.

ლუკა თალაგზიანი

ბერლინის უცხოელები

თბილისის „ამერის“ საუფესთასო მეტოქე ბერლინის „ჰერტა“ სტუმრად ამხანაგური მატჩი გამართა. მეორეხარისხიანი გუნდი აუე-სთან და 2:1 დაამარცხა. არადა, თავიდან დავით სირაძე და მისი გუნდი იგებდნენ — მე-5 წუთზე ანუი იუსკოვიაკმა დააწინაურა აუე. ბერლინელთა თავკაცი ფალკო გიოტცმა უძლიერესი შემადგენლობა ათამაშა. ერთადერთი დანაკლისი კრისტიან ზიმენესი იყო, ვინც თამაშის დღეს გააფორმა კლუბთან კონტრაქტი. „ჰერტას“ მწვავე შეტევებმა შედეგი პირველივე ტაიმში გამოიღო — 34-ე წუთზე მარკო პანტელიჩმა გაათანაბრა და მანვე 49-ე წუთზე გამარჯვება მოუტანა თავის გუნდს. აქვე „ჰერტას“ შემადგენლობას ვთავაზობს ტაქტიკური განლაგების მიხედვით: ფიდლერი — ფრიდრიხი, ვან ბურიკი (ჩაპედი 46), შიმუნჩი, ფატი — დარდაი (შმიდტი 81), ფილბერტო, კაირო (ებერტი 81), ბაშთურტი — პანტელიჩი (დეჯაგა 81), ლაკიჩი (ოკორონკო 54). შეგახსენებთ, რომ „ჰერტა“ — „ამერის“ პირველი მატჩი 10 აგვისტოს ბერლინში გაიმართება.

კახა შალაგზიანი

ჰერტამ ამერი აუესთან მოსინჯა



ბერლინელთა ორივე გოლი მარკო პანტელიჩმა (მარჯვნივ) გაიტანა

საკუნძულო მსაჯ-დედებებები

გუშინ უეფამ საქართველოს ფეხბურთის ფედერაციას ფარერებ — საქართველოს მატჩის მსაჯთა და დედეგატთა ვინაობა აცნობა. სფფ-ის პრესსამსახურის ცნობით, 16 აგვისტოს ევრო 2008-ის შესარჩევი ციკლის პირველ მატჩს ჩრდილოირლანდიელი მსაჯები განსჯიან: არბიტრი მაიკლ ტომას როსი გახ-

ლავთ, თანამსაჯები — დევიდ რედფერნი და დევიდ პოლ ტოდი, ხოლო სათადარიგო არბიტრი დევიდ მალოკოლმი იქნება. დედეგატი გერმანელი ვოლფ-გიუნტერ კაიზელია მსაჯთა დამკვირვებელი კი შვედი ლარს-აკე ბიორკა.

კახა შალაგზიანი



მოჯადოება

მიხეილ აფხაძის ტაბლოს თვალს ვერ უსწორებს

რუსეთის ჩემპიონობის ერთ-ერთ უპირველეს კანდიდატ ყაზანის „რუბინს“ საქმეები აენემა. ყაზანელებს ბოლო ხუთი ტურია, მატჩი არ მოუვიათ და, რაც უფრო გასაკვირია, გუნდმა წინა თამაში სტუმრად „ტომთან“ 0:4 დათმო, გუმინინ კი შინ „სატურნთან“ — 0:3. მოგეხსენებათ, „რუბინში“ ერთბაშად ხუთი ქართველია — ლაშა სალუქვაძე, გიორგი ქინქლაძე, მიხეილ აფხაძე, ნუკრი რევიშვილი და ზურაბ არზიანი. ამათგან ჯერჯერობით ყველაზე სტაბილურად თავდასხმელი აშვეთია თამაშობს, მაგრამ, ისიც საკვირველია, რომ ერთ დროს მთლიანად რუსეთის საუკეთესო ფორვარდს „რუბინში“ ჯერ გოლი არ გაუტანია...

— ცოტა არ იყოს, უკვე ვნერვოვლობ კიდევ, რა ხანია, გოლი აღარ გამიტანია. არადა, ყველა მატჩში სამი-ოთხი ნაღდი მომენტი მექმნება ხოლმე — გვითხრა გუმინ მიხეილ აშვეთიამ — ჩემ დარტყმულზე მეტოქის კარი თითქოს მოჯადოებულია. გოლი რომ მგონია, ან მეკარე მოახდენს სასწაულს, ან კიდევ ბოლო მომენტში ბურთი სადღაც გაფრინდება... მოკლედ, „რუბინში“ გოლების ანგარიში ჯერ ვერაფრით გავხსენი.

— უშედეგობა უფრო უიღბლობის ბრალია თუ საუკეთესო ფორვარდში ვერ ხარ?

— ალბათ, უფრო უიღბლობის კარგ ფორვარდში ვარ, მწვრთნელიც მენდობა, ძირითად შემადგენლობაში სისტემატურად ვთამაშობ, მაგრამ არ მიმართულებს... თუმცა, ბოლო დროს მხოლოდ „სატურნთან“ ვიყავი ჩვეულ პოზიციაზე, იქამდე კი თავდასხმელების უკან ვთამაშობდი და თამადაც ვერ ვუტყვდი.

— ისე, ბოლო დროს მთლიანად „რუბინსაც“ წაუხდა საქმეები...

— ამკარა ჩავარდნა გვაქვს, თამაში ვერ მოგვივია, ავერ ახლა კი შინ 0:3 წავაკეთე. ერთი შეხედვით, გუნდში საგანგაშო არაფერია, ყველა თავის საქმეს ძველებურად აკე-

თებს, მაგრამ ქულებს ქულებზე ვკარგავთ, რაც ჩემპიონატის ბოლოს, შესაძლოა, ძალიან ძვირად დაგვიჯდეს.

— გუნდში რას ამბობენ, ჩავარდნა რისი ბრალია?

— კრიზისი მხოლოდ „რუბინში“ არ არის, „ლოკომოტივი“, მოსკოვის „დინამო“, ცეცსკა — ყველა გუნდში რაღაც ხდება და ყველა ერთს ამბობს, ამგვარი ჩავარდნა გუნდებს კალენდრის გამო აქეთო. ზოგჯერ კვირაში სამი თამაშია და ამოსუნთქვის საშუალება არ გვაქვს, ხანაც შესვენებას გამოაცხადებენ და დაახლოებით ათი დღე მხოლოდ ვვარჯიშობთ. როცა რიტმი დაირღვევა, მერე ძნელია კონდიციების ერთბაშად აღდგენა.

— რუბინში“ ხუთი ქართველი ხართ, მაგრამ ერთად ჯერ არ ვითამაშობთ...

— მწვრთნელთან ვხუმრობთ კიდევ, ყველა ერთად ვითამაშებ და მოვიგებთ... ისე, ჩემ გარდა ჯერ გიორგი ქინქლაძე იყო ტრავმირებული, მერე ლაშა სალუქვაძე; ნუკრი რევიშვილი ახალმოსულია, ზურაბ არზიანი კი მეორე გუნდშია. მე, ქინქლაძემ და სალუქვაძემ „მინიკთან“ კი ვითამაშეთ, მაგრამ არაფერი გამოგვივიდა. ლაშას ფეხი

ტკიოდა, ხოლო გიო ახლახანს გამოჯანმრთელდა და საუკეთესო ფორვარდზე ჯერ კიდევ უკლია.

— რევიშვილს ძირითადად როდის ათამაშებენ?

— ბოლო ორ მატჩში შვიდი გოლი გაუშვეთ და, როგორც ვაფიქსირებ, ახლა მწვრთნელი ძირითადისთვის სწორედ ნუკრის ამზადებს. მომავალი თამაში კი უფროს თასზე ბელარუსულ ბატე-სთან გვაქვს და რევიშვილი ალბათ ძირითადში იქნება.

— წლეულს რუსეთში ჩემპიონობის ყველაზე მეტი შანსი რომელ გუნდს აქვს?

— რა ვიცი, ჯერჯერობით ყველაზე უკეთ მოსკოვის „სპარტაკი“ თამაშობს, მაგრამ ცოტა ხანში, ალბათ, ამ გუნდსაც ექნება ჩავარდნა. არა მგონია, „სპარტაკმა“ მთელი ჩემპიონატი ერთ დონეზე ჩაატაროს. წლეულს რუსული გუნდების დონე გათანაბრდა და ახლა არც გამოკვეთილი ლიდერი: ჩანს და არც აუტსაიდერი.

— საქართველოს ნაკრებიდან არავინ დაგაკავშირებია?

— არა, უკვე რა ხანია, არავის გავხსენებებარ, მაგრამ არა უშავს, მალე გოლების გემოს გავიხსენებ და მერე, ალბათ, გამომიძახებენ.

კობა ინასარიძე

ესეც ასე, დაიწყო საქ. ჩემპიონატი ფეხბურთში, რომელიც გვპირდება, რომ იქნება ძალიან დაძაბული და პრადვიზუტი. დაძაბული იქნება იმიტომ, რომ, როგორც მთელი ჩვენი ცხოვრება, ქართ. პოლიტიკოსების ისტერიკის ფონზე ჩაივლის (ისტერიკის თემა ნებისმიერი), ხოლო პრადვიზუტი იმიტომ, რომ წინა თუ მეჩვიდმეტე იყო, ეს მეთვრამეტე გამოდის — როგორც ერთი ძველქართული გამოთქმა ლაღადებს, „პროგრესი სახეზეა“.

რა სიახლეებით გვეგებება ახ. ჩემპიონატი? უპირველეს ყოვლისა იმით, რომ თუ ჩვენი წინა ეროვნული თექვსმეტგუნდიანი იყო, ახლა ის ჩვენი თოთხმეტეიანი გახდა. გაუქმდა ფოთის „კოლხეთი“ (რომელიც კიდევ რომ აღდგება, უკვე „კოლხეთი 1913-2006“, ესე იგი, „კოლხეთი -93“ გახდება და სწორედ მანდ ეშველება საბოლოოდ, რადგან მის სახელწოდებაში, ასე თუ ისე, დამკვიდრდება ბენზინის მარკა „93“, რის გამოც გუნდი არსით დაუკავშირდება ნავთობპროდუქტებს, ანუ ტერმინალს, ხოლო ნავთობში ფული ძვეს). რაც შეეხება გორის „ცხინვალს“, ვიღაცამ თქვა, რომ ის დაინგრა, როგორც დაინგრეოდა ქუთაისის „ტაო კლარჯეთი“ ან თელავის „სოჭი“ (ჩვენებურად სოჩა). ღმერთო, შენ დაეხმარე თბილისის „ცხუმს“ და მუხრანის „გაგრას“.

მაგრამ, სიახლეებთან ერთად, როგორც ჩვენში იტყვიან, სახეზეა ტრადიციათა ერთგულებაც და ეს სასიხარულოა. მაგ.: დადგა აგვისტო და ევროტურნირებს ერთადერთი ქართ. გუნდილა შემორჩა, მოედნებზე ძველებურად იზრდება სოიო და მაყურებელიც, ტრადიციისამებრ, კონკრეტულად იგინება: „ეი, — გვარი — შენი მარტში მოყვანილი ცოლი...“


კიდევ, სასიხარულო ამბებიდან აღსანიშნავია ის, რომ ჩემპიონთა და უეფას თასებზე ვაჯობთ სამეზობლოს — „სიონმა“ „ბაკი“ დაამარცხა, ხოლო „ამერმა“ „ბანანცი“. მართალია, სამეზობლოც არის და სამეზობლოც, „გალათასარაი“ და ცეცსკაც მეზობლები არიან, მაგრამ ჭკუაში ვერ გვჯობნიან. ჩვენ იქამდე არ მივიღვართ, თვითონ კი დიდი გაპრანჭული ვინმეები ბრძანდებიან, არ გვკადრულობენ და იქამც იყონ. „უბანში“ ჩვენ გამოვდივართ პირველები.

და როგორია პროგნოზი?

კარგი. ალბათ, დაგეგმილი 26 ტურიდან ოცში რამდენიმე გუნდი ქართ. ადათის თანახმად გამოაცხადებს, რომ ამა და ამ ქალაქამდე ჩასასვლელად ფული არ აქვს, რამდენიმე კი შვიდი თვის დაგვიანებული ხელფასების გამო გაიფიცება, მაგრამ გარნმუნებთ, საბოლოოდ ყველა ყველგან ჩავა და ყველა ყველაფერს ითამაშებს, რადგან ერთი ძველი კინოსი არ იყოს, „ტოლკო მი გრუზინი მოჟემ კამნი კუშატ“.

ბაჰუნა კედი

P.S. ტელევიზორში თქვეს, ზეზვას და მზიას შთამომავლები ვართო...



საქართველოს ეროვნული ნაკრების ფან-კლუბში გაწვევიანების მსურველების შეგიძლიათ მიმართდეთ „საქართველოს ბანკის“ ნებისმიერ ფილიალში, სადაც გარკვეული პროცედურების გაკლისა და შესაბამისი თანხის გადახდის შემდეგ თქვენ ოფიციალურად გახდებით ფან-კლუბის ვერცხლის (15 ლარი), ოქროს (50 ლარი) ან პლატინის (100 ლარი) ბარათის მფლობელი. თქვენთვის საინტერესო სხვა დეტალური ინფორმაციის მიღება შესაძლებელია საქართველოს ფეხბურთის ფედერაციის ოფიციალურ ვებ გვერდზე WWW.GFF.GE ან 15 აგვისტოდან „საქართველოს ბანკის“ ფილიალებში.

საქართველოს ფეხბურთის ფედერაცია



25 გოლი 7 თამაშში, საშუალოდ 3,6 გოლი მატჩში — ასეთი გამოდგა მეორე ტური. 7:0 და 6:1 — ამბობენ, რომ ფეხბურთში ასეთი ანგარიშები შემთხვევითია, ასეთ დროს ანგარიში ძალთა თანაფარდობას არ ასახავს. ხშირ შემთხვევაში მართლაც ასეა, მაგრამ საქართველოს ეროვნული ჩემპიონატი ხშირ შემთხვევათა ნუსხაში არ შედის...



ვნებათა და გოლთა კორიანტელი ზოსტა უნდა გინებო

„ვიტ ჯორჯია“ — „სიონი“ 3:2. გაშვებული გოლი ერთია და, ვიტელთა მეკარე გრიგოლ ბედიამშვილი სიცხემაც გვიარინანდ შეაწუხა

ტური „ბათუმ“ — „ამერი“ და პირისპირებით დაიწყო და საქართველოს თასის წლევეანდელი ფინალის ერთ-ერთმა გამარჯვებულმა მეკარე ზურაბ ქვანახიამ კვლავ ისახელა თავი — ბრაზილიელ ტიაგოს პენალტი აუღო. ამერელები შეხვედრის ბოლო ოცი წუთი კაცნაკლულნი იყვნენ, პენალტიც მაშინ დაინიშნა მათ კარში, მაგრამ გიორგი ჩხარაძის გუნდმა ყველაფერს გაუძლო და მეტურამეტე ეროვნულში უღანაკარგოა. ხვალ კი ამერელები ბერლინში მიემგზავრებიან 10 აგვისტოს იქაურ „ჰერტასთან“ სათამაშოდ — „ამერი“ ერთადერთი ქართული გუნდია, ევროსარბიელს რომ შემორჩა.

ლიდერი კი გორის „დილას“ კარში ექვსი გოლის გამტანი თბილისის „დინამოა“. დინამოელებმა წინა ტურისგან განსხვავებული შემადგენლობითა და ტაქტიკური განლაგებით ითამაშეს და თუ წინა ტურში „ბორჯომს“ 3:0 მოუგეს, „დილას“ ორჯერ მეტი გაუტანეს. კახა კაჭარავას გუნდს კარგი გამოცდა მომდევნო ტურში მოუწევს ნაჭერტალ „ამერთან“, სადაც ალბათ უფრო კარგად გამოჩნდება „დინამოს“ შესაძლებლობები.

ქსიმუმი აქვს „ზესტაფონსაც“ და თანაც ისე, რომ გოლი არ გაუშვია ისევე, როგორც „ამერს“. ორ თამაშში გოლი ვერავენ გაუტანა ქუთაისის „ტორპედოს“, არადა, ქუთაისელები ისეთ გუნდებს ეთამაშნენ, კარგი შემტევი რესურსი რომ აქვთ — „ვიტ ჯორჯიას“ და „ჩიხურას“. თუმცა ისიცაა, რომ ქუთაისელები ჯერჯერობით თავადაც ვერ ახერხებენ გატანას. მეტს ველოდით საჩხერის „ჩიხურასგან“. უნდა ვივარაუდოთ, რომ ხვინა ქასრაშვილის გუნდი თანდათან გაიხსნება. გიორგი მიქაძე და მიხეილ კაკალაძე — „ჩიხურას“ შემტევებს სათამაშო პრაქტიკა აკლიათ და, შესაბამისად, დრო სჭირდებათ ოპტიმალურ ფორმაში შესასვლელად.

სახელდახელოდ შექმნილმა რუსთავის „ოლიმპის“ ჩემპიონატი რიხით დაიწყო და მისგან „კახეთის“ ასეთი დიდი ანგარიშით დამარცხება მოულოდნელი იყო. საკამათოა, 7:0 ამ შემთხვევაში შემთხვევითი ანგარიში იყო თუ ძალთა თანაფარდობას ასახავდა. საინტერესოა, გიორგი კიკნაძე „ოლიმპის“ დროებითი მთავარი მწვრთნელი იქნება თუ კლუბი მას, როგორც მთავარ მწვრთნელს, კონტრაქტს გაუფორმებს.



ჩემპიონატის პირველი ჰეთ თარიქი მეორე ტურში იყო: დინამოელებმა ჯაბა დვალის სამეფარ გაისროლა

სიმბოლოური ნაპრკები	ჯაბა დვალის დინამო	ბასტონ ვაშლი სიონი
გიორგი ფიფინიშვილი ვიტ ჯორჯია	გიორგი ჭილიძე ზესტაფონი	ზაზა სხოსია ვიტ ჯორჯია
შოთა კახია დინამო	ლავა ძიბაძე ოლიმპი	დავით დიდიშელაშვილი ვიტ ჯორჯია
	ზაზა დონდაძე ზესტაფონი	აბატა დათუნაიშვილი ვიტ ჯორჯია
	ზურაბ ძვინაძე ამერი	



ნოდარ აყობის ნაცვლად „ოლიმპის“ თავკაცად დანიშნულმა გიორგი კიკნაძემ შთაბეჭედავი დებულები მოიწყო


დინამო	6:1	დითა
ბათუმი	0:1	ამერი
ბორჯომი	1:1	ლოკომოტივი
ჩიხურა	0:0	ბორჯომი
ვიტ ჯორჯია	3:2	სიონი
ოლიმპი	7:0	ახეთი
მერანი	0:3	ახეთი

დინამო	2	2	0	0	9:1	6
ზესტაფონი	2	2	0	0	5:0	6
ამერი	2	2	0	0	3:0	6
ვიტ ჯორჯია	2	1	1	0	3:2	4
ოლიმპი	1	1	0	0	7:0	3
მერანი	2	1	0	1	1:3	3
ტორპედო	2	0	2	0	0:0	2
ბათუმი	2	0	1	1	0:1	1
ლოკომოტივი	2	0	1	1	1:3	1
ჩიხურა	2	0	1	1	0:2	1
ბორჯომი	2	0	1	1	1:4	1
დითა	2	0	1	1	1:6	1
სიონი	1	0	0	1	2:3	0
ახეთი	2	0	0	2	0:8	0


გომგარდირები	
3-დვალის	დინამო
2-მეშვილი	დინამო
ჭილიძე	ზესტაფონი
სახოსია	ვიტ ჯორჯია
სიმბილაძე	ოლიმპი
დვალისმეშვილი	ოლიმპი

გომგარდირები	
20 აგვისტო, აპირა	
დითა - ბორჯომი	
ამერი - დინამო	
ტორპედო - ბათუმი	
სიონი - ჩიხურა	
ახეთი - ვიტ ჯორჯია	
ზესტაფონი - ოლიმპი	
ლოკომოტივი - მერანი	


პედოფილია



აბრამოვიჩის დამკვეთი მიკ მაკვირი



საქმე, რომელსაც შარლონ ჰოლმისი სჭირდება



დიდი ანტირომანისტი კენ ბეიტსი



აბრამოვიჩის კიდევ ერთი მომხივანი ჯეფ დანსფორდი

როგორ იპარავს ჩელსი ბავშვებს

„ლიდსის“ და „ჩელსის“ სატრანსფერო დაპირისპირების ამბავმა საოცარი მიმართულებით მოუხვია — თურმე ლონდონელებს ლიდსელ ყმაწვილთა გადაბირებაში პროფესიონალ ფეხბურთელთა კავშირი დახმარებია.

შეგახსენებთ, რომ საქმე „ელანდ როუდიდან“ „სტემფორდ ბრიჯზე“ ორი ახალგაზრდის გადაყვანას ეხება. ეს ახალგაზრდები „ლიდსის“ აკადემიის მოსწავლენი გახლდნენ და, როგორც ირკვევა, მათი გაყვანა კლუბის ხელმძღვანელებს არ სურდათ, მაგრამ „ჩელსიმ“ რაღაც ხერხები გამოიხიზნა, მოთამაშენი გადაიბირა და ახლა „ლიდსის“ კომპენსაციად 200 ათას გირვანქას სთავაზობს. ასეთმა თავხედობამ „ლიდსის“ იუნაიტედის“ თავმჯდომარე (სხვათა შორის, „ჩელსის“ ყოფილი გამგებელი) კენ ბეიტსი გააცეცხლა და საფეხბურთო ინსტანციების კართან რკინის ქალამნებით მიიყვანა.

ამასობაში კი ვაირკვა კიდევ ერთი ამბავი, თურმე ნუ იტყვი და, „ჩელსის“ იმავე ხერხით „ბრისტოლ როვერსისთვისაც“ აუწავნია ყმაწვილ-

კაცი, რაც ბრისტოლელთა თავმჯდომარემ ჯეფ დანსფორდმა „NEWS OF THE WORLD“-თან ექსკლუზიურ ინტერვიუში დაიხილა.

დანსფორდი: „რამენარად „ჩელსი“ უნდა შევჩეროთ. ჩვენ დავკარგეთ უნიჭიერესი სკოტ სინკლერი, რომელიც დღეს 17 წლის არის, ხოლო მაშინ, როდესაც ჩვენთან მოვიდა, ცხრისა გახლდათ. ჩვენ მასში 160 ათასი გირვანქა გადავხადეს, რაც სასაცილოა. „ჩელსი“ პრემიერლიგის სხვა გუნდების მსგავსად პატიოსან მოლაპარაკებებს არ აწარმოებს, მას ყმაწვილების გადაბირების თავისი სისტემა აქვს შემუშავებული. ეს სწორი და სამართლიანი საქციელი არ არის. საჭიროა გადავხედოთ კანონებს და ამგვარ თვითნებობას ბოლო მოეუღოთ“.

მაგრამ დაუბრუნდეთ „ლიდსის“, რომელმაც კვირას „ნორვიჩს“ 1:0 მოუგო. ამ კლუბმა ჯერ კიდევ იანვარში შემოიკრა განგაშის ზარს, „ჩელსი“ ჩემს რჩეულ ბიჭებზე ნადირობსო — ლიდსელები შიშობდნენ, რომ ლონდონელები არასრულწლოვანთა გადაბირების წე-

სებს არას დაგიდევდნენ და თვითნებობას ჩაიდენდნენ.

დღეს უკვე ირკვევა, რომ „ჩელსის“ პროფესიონალ ფეხბურთელთა კავშირი, კერძოდ კი მისი აღმასრულებელი შეფი მიკ მაკვირი დახმარებია. სწორედ მას აუღია თავზე ინგლისის 16-წლამდელთა ნაკრების ორი მოთამაშის, მაიკლ უუდსის და ტომ ტაივოს წარმომადგენლობა, როდესაც „ჩელსიმ“ პროფესიული კონტრაქტი გაუფორმა.

მაგრამ, როგორ გაბედა მაკვირმა ასეთი რამ? რა უფლება ჰქონდა პროფესიონალ ფეხბურთელთა კავშირის აღმასრულებელ შეფს, გამხდარიყო კურსდამთავრებულის წარმომადგენელი მაშინ, როდესაც ისინი სხვა კლუბთან აწერდნენ კონტრაქტს ხელს? „ლიდსის“ ამბობენ, რომ კვალს მაკვირის თანამშრომელთან, ფილ სპროუსონთან მივაყვართ. ლიდსელთა ვერსიით, სპროუსონი უუდსსა და ტაივოს ღიბი უწევდა „ჩელსის“ გადასვლის ავტაციას.

ირკვევა, რომ „ჩელსიმ“ და ხსენებულმა პროფესიონალ ფეხბურთელთა კავშირმა შარშან ოქტომ-



160 ათას გირვანქიანი ბავშვი: სკოტ სინკლერი

ბერში ლიდსელთაგან მალულად ლონდონელების საწვრთნელ ცენტრში მიიწვიეს უუდსი, ტაივო და მათი კიდევ ერთი თანატოლი დენი როუზი (რომელმაც „ჩელსიში“ გადასვლა არ ისურვა). ეს ბიჭები და მათი მშობლები სასტუმროშიც თავიანთ ხარჯზე დაუბინავებიათ და 26 ოქტომბერს „ჩარლტონთან“ სათასო შეხვედრაზეც დაუპატიჟებიათ როგორც საპატიო სტუმრები.

„ლიდსის“ ხელმძღვანელობა ამტკიცებს, რომ „ჩელსი“ სწორედ ამის გამო უნდა დაისაჯოს მკაცრად, რადგან მას არანაირი უფლება არ ჰქონდა, მოლაპარაკება წამოეწყო სხვა კლუბის აკადემიის მოსწავლეებთან. სხვა იქნებოდა, ლონდონელებს ეს 2006 წლის მარტის შემდეგ რომ

გაეკეთებინათ, უკვე აკადემიადამთავრებულებთან.

ინგლისის ფეხბურთის ასოციაცია და პრემიერლიგა საქმეს იძიებენ და ცდილობენ ამოიციონ, დაირღვა თუ არა ერთის ან მეორის კანონმდებლობა — პრემიერლიგას მონაწილე მხარეთაგან „ჩელსი“ ეკუთვნის — თუმცა მიკ მაკვირი კატეგორიულად აცხადებს, რომ მას პროფესიული ქცევის პრინციპი არ დაურღვევია, რადგან ხსენებული ორი ფეხბურთელი „ჩელსის“ „ლიდსის“ თანხმობით (!) მიჰყვია.


„ლიდსელებმა ეს ბიჭები კანონის დაცვით გაათავისუფლეს და ისინიც მათი ნებართვით გადავიდნენ „ჩელსიში“ — თქვა მაკვირი.

ააჰუნა კეღია

ფერგიუსონის შავი-იუპორი და სარკასტული აკრიტიკისა



გამრავლეთ შვედნაკო ოცდაათზე და მიიღებთ ერთ კანტონას



ინგლისური პრემიერლიგა ჯერ არ დაწყებულა და იქაური მწვრთნელები უკვე ერთმანეთს ჭამენ. „ჩელსის“ დამრიგებელმა ჟოზე მარინიუმ ამას წინათ განაცხადა, რომ რაფა ბენიტესის „ლივერპული“ ვერასდროს გახდება ჩემპიონი. „მანჩესტერის“ მსცოვანი თავკაცი სერ ალექს ფერგიუსონი კი თავად პორტუგალიელ მამუს „ჩელსიში“ ხანშიშესულ ვარსკვლავთა მიყვანისა და სტემფორდ ბრიჯელი ახალგაზრდა ფეხბურთელების დაჩაგვრის გამო აკრიტიკებს

საქმი 29 წლის მიხეილ ბალაკისა და 30 წლის ანდრეი შევჩენკოს ტრანსფერებს ეხება. ფერგიუსონის აზრით, გერმანელმა და უკრაინელმა „სტემფორდ ბრიჯს“ დაკვიანებით, უკვე ასაკშეპარულებმა და ტიტულებით დახუნძლულებმა მიაკითხეს „როცა გუნდს „ბებერი“ ფეხბურთელებისგან ადგენ, მთელი პასუხისმგებლობა ვეტერანებს ეკისრებათ. ანდრეი შევჩენკო და ბალაკი შესანიშნავი მოთამაშეები არიან, თუმცა ახალგაზრდა ფეხბურთელებისგან განსხვავებით, ჯილდოებისა და გამარჯვებისთვის მოედანზე თავს არ მოიკლავენ, ცხოვრებაში უკვე ყველაფერი აქვთ ნანახი“ — განაცხადა „იუნაიტედის“ შეფმა მედიასთან საუბარში.

შოტლანდიელი „ჩელსის“ მიერ შევჩენკოში გადახდილ 31 მილიონ გირვანქასაც სასტიკად გაუბრაზებია. „თავის დროზე ერთი კანტონა 1 მილიონად ვიყიდეთ. აბა, ახლა ვინმემ მი-თხრას, რომ შევჩენკო კანტონას ოცდაათჯერ სჯობს. სრული

სისულელეა. გადახდეთ ვიდეონაწერებს, ერთმანეთს შეადარეთ და მიხვდებით, რომელია უკეთესი. ფული ყველაფერი არაა ამ ქვეყანაზე, რაც ზოგიერთებს არ ესმით“ — ბოლო-ქრობს მსცოვანი სერ ალექსი.

ფერგიუსონმა ბოლოს ისიც თქვა, მაურინიუ უცხოელ ვარსკვლავებს გადაეკიდა და „ჩელსის“ ახალგაზრდა ფეხბურთელებს არანაირ ყურადღებას აღარ აქცევსო. „ახალგაზრდები მამუს ყოველთვის გვერდზე რჩება. სულ ახალ-ახალი უცხო ვარსკვლავების ყიდვაზე ფიქრობს... მე კი „მანჩესტერის“ წინ მოთამაშეებს უყურადღებოდ არასდროს ვტოვებდი, „ოლდ ტრეფორდზე“ ყოფნის 20 წლის მანძილზე „იუნაიტედის“ სკოლის აღზრდილთაგან ოთხი თუ ხუთი გუნდი შევადგინე... ვინ იცის, იქნებ ახალი როი კინიცი შინ გვეზრდება. ყოველ შემთხვევაში, ჯერ უცხოეთში კინისნაირი ფეხბურთელი არ მინახავს.“

ლადო ხომერიკი



ადრიანოს გაზეთით პერ შააშინაბ

მილანის „ინტერის“ ბრაზილიელი ლეგიონერი ადრიანო კარს მომდგარ სეზონზე საუბრობს და ისევ ირწმუნება, ისე კარგად ვითამაშებ, როგორც არასდროს მითამაშაო. „ნეროაპურის“ კი თავდამსხმელის ძიებას აგრძელებს და, იტალიური პრესის ცნობით, ოთხ ფეხბურთელს უტრიალებდა — ლუკა ტონის, ზლატან იბრაჰიმოვიჩის, დავიდ ტრეზეგესა და ერნან კრესპოს. თუმცა ადრიანოს არც ერთი მათგანი არ აშინებს და თვლის, რომ იგი გუნდის საუკეთესო მოთამაშეა.

„გაზეთებში წავიკითხე ტონის, იბრაჰიმოვიჩის, ტრეზეგესა და კრესპოს „ინტერში“ შესაძლო გადმოსვლის შესახებ. ვიცი, რომ ერთ-ერთი მათგანი მაინც დაგვემატება, მაგრამ ეს ნამდვილად არ მალეულებს, პირიქით, მიხარია“ — აღნიშნა ადრიანომ.

აპენინური ჟურნალ-გაზეთები იმასაც წერენ, ხსენებული ოთხი კანდიდატიდან, ამჟამად ყველაზე რეალური, კრესპოს „ინტერში“ გადასვლააო. „ნეროაპურის“ არგენტინელის აგენტთან უკვე მიუღწევია შეთანხმებისთვის და უახლოეს მომავალში „ჩელსის“ მოთაფვლას აპირებს. შეგახსენებთ, რომ ახლახან კრესპომ იტალიის მოქალაქეობა მიიღო და, როგორც თვითონ ამბობს, თავის მეორე სამშობლოში დაბრუნება ძალიან უნდა.

ადრიანო: „ორი მიზეზის გამო არ ველავ. პირველ რიგში, იმიტომ, რომ ვიცი, მინდორზე რაც შემიძლია და მირჩენია, ჩემი ძალა თამაშით დავამტკიცო, ვიდრე სიტყვებით. მე „ინტერის“ საუკეთესო შენამენი ვარ. მომავალ სეზონში იმაზე უკეთ ვითამაშებ, ვიდრე ორი წლის წინ, როცა ბრწყინვალე ფორმაში ვიყავი. მეორე მიზეზი კი გუნდის ჩემდამი ნდობაა, რომელსაც ვგრძნობ. ფიზიკურად ასე პროცენტით მზად ვერ კიდევ არ ვარ, მაგრამ მჯერა, სეზონის დაწყებისას სათანადო ფორმაში ვიქნები“.

გასულ სეზონში ბრაზილიელმა ცუდად ითამაშა. „ინტერის“ მისურით ყველა ტურნირზე მხოლოდ 19 გოლი შეაგლო. თან კონფლიქტი ჰქონდა „ნეროაპურის“ ხელმძღვანელობასთან და ხუან სებასტიან ვერონთან, რასაც ეროვნულ ნაკრებთან ერთად, უღიმღამო მუნდიალი მოჰყვა.

„მომავალი სეზონი ნამდვილად განსხვავებული იქნება გარკვეული პრობლემები მოგვარდა და აღარც ტრავმა მაწუხებს.

ახლა მხოლოდ თავდაუზოგავი ვარჯიში მჭირდება, რასაც ვაკეთებ კდვც, თანაც ისეთი მწვრთნელების ხელში, როგორც რობერტო მანჩინა და მისი თანამშემე სინიშა მიხაილოვინია. ჯერ მხოლოდ 24 წლის ვარ და ბევრი უნდა ვისწავლო იმ ორი ტაქტიკოსისგან, რომლებიც თავის დროზე დიდი ფეხბურთელები იყვნენ“ — განაცხადა ბრაზილიელმა.

მოგესვენებთ, „ინტერი“ უკვე ახალი მაისურებით თამაშობს, რომელზეც გასული სეზონის სკულეტოცაა გამოსახული. „იმპერატორს“ აზრი ამაზეც ჰკითხეს.

„სკულეტო „იუვენტუსმა“ მოიგო, მაგრამ ვაირკვა, რომ არასწორი გზით. ლოგიკურად ტიტული ჩვენ ვგვეკუთვნის. თუმცა, სიმართლე ვითხრათ, ბევრად უფრო გამიხარდება, როდესაც ჩემპიონები რეალურად, მინდორზე გავხდებით“ — დასძინა ადრიანომ.

კოტი განდელაკი



... გუშინ ერნან კრესპო „ინტერში“ გადავიდა.

რონალდინიო ფურცელი



რონალდინიო იტალიური გაზეთები „ლა გაძეტა დელო სპორტი“ და „კორიერე დელო სპორტი“ გადარია. აპენინური სპორტული მედიის ორი ღირსეული წარმომადგენელი ერთმანეთს, ბარსელონელი კიტას „მილანში“ სავარაუდო გადასვლის ამბავზე წაეკიდნენ

ამ გაზეთების დაპირისპირებას ისიც ამწვავებს, რომ მეტოქე გუნდებს გულშემატკივრობენ — „ლა გაძეტა დელო სპორტს“ „მილანი“ უყვარს, ხოლო „კორიერე დელო სპორტი“ დედაქალაქური „რომას“ ქიმაგია. სწორედ „კორიერემ“ დააქუხა პირველად, რონალდინიოს ვითომ „სან სიროზე“ გადასვლის ამბავი — „მილანს“ შეგზნეო „ჩელსიში“ გაექცა და ბერლესკონის გუნდის გასაძლიერებლად, „ბარსელონადან“ 125 მილიონ ევროდ რონალდინიოს წამოყვანა უნდაო.

სენსაციურ ცნობას უმაღლეს „მილანის“ გულშემატკივარი მედია გამოეხმაურა — „კლუბის ვიცე-პრეზიდენტი ადრიანო გალიანი, აღნიშნავს, რომ რონის ყიდვა შეუძლებელია. „მილანი“ 125 მილიონი ევროს გადახდას არ აპირებს“ — გამოაცხადა „ლა გაძეტა დელო სპორტმა“ და მაგალითად კატალონიური „სპორტის“ თავფურცელი მოიყვანა, რომელშიც ეწერა: „იტალიელები იტყუებიან. რონალდინიო „კამპ ნოუს“ დატოვებს არ აპირებს...“

„კორიერე დელო სპორტი“ კი თავისას მაინც არ იშლის. რომაული გაზეთის ცნობით, „მილანის“ მწვრთნელი კარლო ანჯელოტი და, საერთოდ, „როსონერის“ თავკაცობა, რონალდინიოს ხელში ჩაგდებას სრულიად გააგვიფა და ერთი სული აქვთ, სანამ ვიბიდან 125 მილიონს ამოიფერთხავენ...

სტატისტიკური მონაცემებით, ბოლო პერიოდში, „ლა გაძეტა დელო სპორტს“ მკითხველთა მნიშვნელოვანი ნაწილი დაუკარგავს, „კორიერეს“ კი, პირიქით, ბევრი შემატეხია. ასეც ხდება, ვინც უფრო სკანდალურ საინფორმაციო ბომბს ააფეთქებს... და რონალდინიო?

„შეიძლება, როცა „დაგებრდები“, აშშ-ის რომელიმე კლუბშიც წაგიდეს სათამაშოდ, მაგრამ ახლა „ბარსელონაში“ თავს დიდებულად ვგრძნობ, ეს გუნდი მიყვარს და „კამპ ნოუს“ მიტოვებას არც „მილანის“ და არც სხვა რომელიმე გრანდის გამო არ ვაპირებ.“ — აცხადებს ბრაზილიელი.

ლადო ხომერიძე

ინგლისში სეზონის დასაწყისი ფრიალული უცნაური გამოდგა. ბობი რობსონს ინსულტი დაემართა, ავად შეიქნა მანჩესტერელი ლუკ ჩედვიკი და აი, „ვევერტონის“ ნახევარმცველი ენდი ვან დერ მეიდეც ცუდად გახდა. ჰოლანდიელი ვარსკვლავი საავადმყოფოში მიიყვანეს, სადაც ის ამტკიცებდა, რომ მისი სასმელი იყო მონამლოლი

რონალდინიო ჰოლანდიელი

336 დერ მიდემ თავი ცუდად შინ, მერსისაიდში, ვირალში, გვიან ღამით იგრძნო. მისმა გელფრენდმა სასწრაფოდ დარეკა პოლიციაში. მიზეზი, როგორც ზემოთ მოგახსენეთ სასმელით მოწამვლა გახლდათ.

როგორც ირკვევა, ფეხბურთელმა წინა საღამოს ლივერპულის ფეშენებელურ „ალბერტ დოკ არეაში“ გაატარა დრო. როგორც მერსისაიდის პოლიციის პრეს ატაშემ განაცხადა, გამოძიება დაწყებულია.

ჩვენ ღამით, 2 საათსა და 40 წუთზე დავიკრეკს. დარეკა ქალმა და თქვა, რომ მისი მეგობარი მოიწამლა, რადგან მოწამლული სასმელი დალია. ავადმყოფი წაიყვანეს „ეროუ პარკ ჰოსპიტალში“. გამოძიება ლივერპულის ცენტრში ყველა ბარს შეამოწმებს.

დღითი ოფიციალური განცხადება გააკეთა „ვევერტონს“ კლუბი წერს, რომ ვან დერ მეიდეს გამოჯანმრთელების პროცესს საავადმყოფოს ექიმები აკვირდებიან, ხოლო მომხდარზე გამოძიების დასრულებამდე ვერანაირ კომენტარს ვერ გააკეთებს.

ბაბუნა გილია



ელისი ნავა



„ასტონ ვილას“ პატრონმა დუგ ელისმა განაცხადა, მიუხედავად იმისა, რომ მწვრთნელად მარტინ ონილი მყავს, „ვილას“ მაინც გაყვითლო.

მუნწმა თავმჯდომარემ ასეთი რამ, ამერიკელ რენდი ლერნერის ხელხთან შუა მოლაპარაკებისას თქვა, ლერნერი 64 მილიონ გირვანქას იხდის კლუბის აქციათა საკონტროლო პაკეტში.

„უკვე 82 წლის ვარ და შარშან აქვთ ხუთი ოპერაცია გავიკეთე — თქვა ელისმა — კლუბის პატრონობა სულ უფრო მიხვედრება. რენდი საქმიანი კაცია და მგონი, ორიოდ კვირაში „ვილას“ პატრონიც შეიქნება.“


ირაკლი ბაგჩაშვილი

სერ ბობი ბარბადასი

სერ ბობი რობსონი, რომელსაც გუმინწინ სისხლი ჩაექცა, მომჯობინების გზას ადგას. შაბათს ის იფსვიჩის სტადიონზე იყო მატჩის საცქერლად და მარცხენა მხარის დამბლაც იქ დაემართა.

თუმცა, მისმა ექიმმა გარი რაიმანმა გუმინ ფურნალისტებს განუცხადა: „სერ ბობი ძალიან კარგადაა. კარგად ეძინა და ისაუბრა. მალევე გავწერთ“.

რობსონს გვერდიდან არ შორდება მეუღლე ელზა, მომჯობინებამ კი ყველა გაახარა.



ფურცელს შეახეთქა




ფრთხილად, უაინ!

უაინ რუნი გააფრთხილეს, დამშვიდდი თორემ მინდორზე თვეობით ვერ გახვალ. ეს მას შემდეგ მოხდა, რაც ის კიდევ ერთხელ გააძევეს მინდვრიდან პარასკევს, ამსტერდამის ტურნირზე.

„პორტუსთან“ მატჩში მან მაღალ ბურთზე იდაყვი მოიხმარა უშნოდ და მსაჯმაც არ დააყოვნა. ამბობდნენ, რუნის სამმატიანი დისკვალიფიკაცია ელისო. იმავე თამაშში პოლ სქოულზიც დაითხოვეს მინდვრიდან, თუმცა „მანჩესტერმა“ მაინც მოიგო. „მანჩესტერს“ ჯანზე ვერა ჰყავს პაინცე და გარი ნევილი, ამსტერდამში კი რიო ფერდინანდი და მაიკლ კარიკიც დაუშაოდნენ. შესაძლოა, ექვსივე ჩამოთვლილმა პრემიერლიგის გახსნის თამაშიც კი გამოტოვოს.

კლუბმა თავად გააფრთხილა რუნი, მიზეზი კი ის არის, რომ ის უკვე მსაჯთა სამიზნეა. „მანამდე პორტუგალია სოლსკიარეს ჩაარტყა იდაყვი და მსაჯს წარბიც არ შეუხრია — თქვა სერ ალექსმა — სხვაობა ორ მომენტს შორის ის იყო, რომ მეორეში რუნი მინაწილებდა“.





თართობი დღე მსოფლიოს ჩემპიონატამდე

სარბული უარი ღოგბულს



ივან რადენოვიჩი (№55) ნაკრების მიღმა დატოვებს

მსოფლიოს ჩემპიონატის დაწყებამდე ათიოდ დღე რჩება და მონაწილე გუნდებიც თანდათან გარკვეულ სახეს და ფორმას იძენენ, სრულდება შემადგენლობების დაკომპლექტება.

ბოლო ორი მუნდიალის ზედიზედ მომგები ყოფილი იუგოსლავიელების, აწ კი, უბრალოდ, სერბების ბანაკიდან ხმები ძვირად გამოდის. მათ თავკაც დრაგან საკოტას შემადგენლობა ჯერ არ დაუსახელებია, თუმც უკვე ცნობილია, რომ ის ვერ დაეყრდნობა ნბა-ში მოთამაშე სერბთა დიდ ნაწილს — ნბა-ელებს უარი შეუთვლიათ და, როგორც ყოველთვის, სერბებს ახლაც გაუჭირდება უძლიერესი შემადგენლობის თავმოყრა.

მაგრამ ამერიკაში მოთამაშე სერბთაგან ყველა როდი უბზუებს ცხვირს ეროვნულ გუნდს. სტუდენტურ ლიგაში მოთამაშე ამომავალ ვარსკვლავს, „არიზონა ვაილდ კეთის“ 208-სანტიმეტრიან ფორვარდ ივან რადენოვიჩს გულით ეწადა იაპონიაში თამაში, საკოტას უბნებოდა, ოღონდ წამიყვანე და ყველა მატჩში ლომივით ვიბროლებო, მაგრამ „ივანი ბევრს მუშაობდა, მაგრამ ყველა მწვრთნელისთვის დგება ის მომენტი, როცა მან შემადგენლობა უნდა შეარჩიოს და ზედმეტი ხალხი გაცხრილოს“ — თქვა საკოტამ და გაცხრილულთა შორის ეს მონდომებული ჭაბუკიც მოაყოლა.

ახლა სერბები სინგაპურს მიფრინავენ, სადაც 11-13 აგვისტოს ესპანეთთან, სლოვენისა და არგენტინასთან ამხანაგურად ითამაშებენ. იაპონიის მუნდიალი კი 19 აგვისტოს იწყება.

კობე ყოფნია



რონი ტურიაფი (მარჯვნივ) ფრანგებისთვის საჭირო კაცია

მამლები ასარჩევად

საბოლოო, 12-კაციანი შემადგენლობის ჩამოქნა უჭირს ფრანგთა თავკაც კლოდ ბეროსაც. ახლა მის განკარგულებაში 13 მოთამაშეა და „მამლების მწყემსი“ თავს იმტერებს, რომელი გამოაკლოს ამ კრებულს. თავიდან მან მიზანში ცენტრი რონი ტურიაფი ამოიღო, მაგრამ ძირითადი ცენტრის ფრედერიკ ვეისის მცირედ დაშვების შემდეგ გადაიფიქრა, ეგ ბიჭი იაპონიაში იქნებ კიდევ გამოამადგესო.

ახლა კლოდ ბერომ ადარ იცის, რომელი დატოვოს თამაშგარე სიტუაციაში — 20 წლის იოჰან პეტრო, თუ 32 წლის სირილ ჟულიანი. პეტრო ნიჭიერი ყმაწვილია, ისიც ნბა-შია, „სიეტლ სუპერსონიქსში“ და რამდენიმე კარგი თამაშშიც ჰქონდა პლანეტის უძლიერეს ლიგაში. სამაგიეროდ, ყულიანი გამოცდილებით დაზურვული ვეტერანია, 2000 წლის სიდნეის ოლიმპიადაზე საფრანგეთის ნაკრებს ვერცხლის მოპოვებაშიც ეხმარებოდა.

ტურიაფი საკმაოდ ნიჭიერ მოთამაშედ ითვლებოდა, ამერიკის სტუდენტურ ლიგაშიც გამოირჩეოდა (გონზავას უნივერსიტეტი), მაგრამ გულის დაუზრუნველად და საერთოდ ეჭვქვეშ დადგა მისი კარიერა. მაინც დაუბრუნდა ბურთს და მოედანს, ნბა-შიც შეაბიჯა და „ლოს ანჯელეს ლივერსის“ სათადარიგოთა სკამზეც დაჯდა.

ფრანგთა 13-კაციანი შემადგენლობა კი ასეთია — ბორის დიაუ (კაპიტანი), ტონი პარკერი, იანი ბოკოლო, ლორენ ფიორე, მიშელ გელაბალე, ჟოზეფ გომისი, ამერია ჟენო, ფლორენ პიეტრუსი, მიშელ პიეტრუსი, სირილ ჟულიანი, რონი ტურიაფი, ფრედერიკ ვეისი, იოჰან პეტრო.

კობე ყოფნია

მორბევი არაბებით ამთავრებენ

მსოფლიოს ჩემპიონატისთვის სამხრეთ ამერიკის მოვლის და იქ არგენტინასთან, ბრაზილიასთან და ვენესუელასთან გავარჯიშების შემდეგ ახალი ზელანდია იაპონიაში გამზავრებამდე კიდევ ერთ მეტოქესთან წაისპარინგებს და კვლავ მუნდიალის მონაწილეობით.

2002 წლის მსოფლიოს ჩემპიონატის ნახევარფინალისტ მატორებს ბოლო „ამხანაგურ“ მეტოქედ ყატარი შეურჩევით და ამ უქმეებზე არაბებს შინ ელან. „ჩვენი მეტოქე სულაც არაა სუსტი, მიუხედავად იმისა, რომ მისი სახელი არ ყვირის — ამბობს ოკენელთა თავკაცი ტაბ ბალდუნი — ყატარელებმა თურქეთში ოთხთა ტურნირზე მასპინძლებს ოვერტიმში მოუგეს. ასე რომ, მათთან ნამდვილად არ გველის გასეირნება.“

სადღეისოდ ყატარი მსოფლიო რეიტინგში 28-ეა. აზიის ჩემპიონატში სპარსეთის ყურელებმა ჩინეთისა და ლიბანის შემდეგ მესამე ადგილი დაიჭირეს და იაპონიის საგზურიც ასე შეხვდათ.

„თოლ ბლეკსი“ (ზელანდიის ნაკრების მეტსახელი) აზიელებს ორჯერ შეეტოქება სამხრეთ ქალაქებში — დანიდინსა და ინვერკარგილში.

კობე ყოფნია

ლიტვა პოლონეთი იპოვა

სამუნდიალო სამზადის დაუწყველად ლიტველთა გორიზი ნაკრების მთავარ მწვრთნელ ანტანას სირეიკასთვის, მიუხედავად იმისა, რომ მისმა გუნდმა მადრიდის ოთხთა ტურნირში მხოლოდ მესამე ადგილი დაიკავა.

მასპინძელ ესპანელებთან და ოლიმპიურ ჩემპიონ არგენტინელებთან ბროლოში დამარცხების შემდეგ ლიტველებმა ამ ტურნირის აუტსაიდერი და მუნდიალს გარეთ დარჩენილი პოლონეთი 28 ქულით შემუსრეს.

ლიტველთაგან იყოჩადა 20 ქულის მოსაგებად ლინას კლეიზამ. პოლონელებს ლიტველთა 12-ვე მოთამაშემ სულ ცოტა ერთი ბურთი მაინც ჩაუვლო.

სამზადისი სამზადისად და ლიტველებს იაპონიაში ცხელი დღეები დაუდგებათ. ისინი ყველაზე ძნელ ჯგუფში მოხვდნენ საბერძნეთთან, ბრაზილიასთან, თურქეთთან, ყატარსა და ავსტრალიასთან ერთად. ამ ექვსიდან ოთხი მერვედფინალში გავა, ორი კი იაპონიიდან ჯგუფური ტურნირის დამთავრებისთანავე წავა.

კობე ყოფნია



ლინას კლეიზა





გოგონა დღეები

ამ დღეებში ლას ვეგასში სამუნდიალო სამზადიში გაოფლილმა ამერიკის ნაკრებმა პირველი საგამოფენო მატჩები გამართა მეზობელ პუერტო რიკოსთან. „ტომას ენდ მაკ სენტერში“ ჯველთა საცქერლად კალათბურთის ბევრმა ძველმა ვარსკლავმაც შეიარა. ჩამწკრივებულან: ლენი უილკენსი, სპენსერ ჰეივუდი, ჩაკ დეილი, კლაიდ დრექსლერი და სკოტი პიპენი. დიადი მწვრთნელი პატ რაილიც ცოლმეილთან ერთად ხარობდა მილიის წინაშე.



კაციც ესა ყოფილა: ლუის პუმ მთელი მდინარე ტემზა გაცურა, სათავიდან ზღვამდე, სულ 325 კილომეტრი. ახლა ხარობს, მაგრამ ამ ღონისძიებით მსოფლიოს გლობალური დათბობის წინააღმდეგ მებრძოლი ფონდებისთვის თანხების მიზიდვა სწადია.

დედის კოცნა

დედ-მამა კოცნის პოლონელ სლავომირ კუჩკოს, რომელმაც 200 მეტრზე ბრასში ჩემპიონობა მოიპოვა ბუდაპეშტში დასრულებულ ევროპის საწყლოსნო ჩემპიონატზე.



ეს ნატალია სუტიაგინას ხელებია ბუდაპეშტის აუზიდან. მოცურავეთა შეჯიბრებანი სამოთხეა ფოტორეპორტიორებისთვის



AFP ბუდაპეშტიდან

AFP ბუდაპეშტიდან

სარბიელი
საორტული გაზეთი
გამოიცემა 1990 ფლის
28 ლექსიდან
გამოდის ორშაბათს,
სამშაბათს, ოთხშაბათს,
ხუთშაბათს,
პარასკევს და შაბათს

გამომცემელი ზურაბ ჯორჯაძის
დირექტორი ბიორბი ოქროშაძელი
მთავარი რედაქტორი თამაზ მიხრიაშვილი
პასუხისმგებელი რედაქტორი კახა შალამბერიძე
ტექნიკური რედაქტორი მამუკა გუგუშვილი
ქართული ფეხბურთის რედაქტორი: დავით თავართქილაძე
კობა ინასარიძე, ილია ნანობაშვილი, ვიორგი ნოზაძე
უცხოური ფეხბურთის რედაქტორი: ვასო სპინიძელი
უცხოური ფეხბურთის რედაქტორი: ვიო ახვლედიანი,
ილია ბაბუნაშვილი, ვიორგი დარჯანია, ვიორგი ვაშაყიძე

ვიორგი კაკაბაძე, ლადო ხომერიკი
ინფორმაციის რედაქტორი: ბიორბი ბერიკაშვილი
ინფორმაციის რედაქტორი: ვიო ახალაძე, ავთანდილ გურასაშვილი,
ოთარ მაღლაკლიძე, ირაკლი პერტაყა, ბაჩო სვანიძე, ირაკლი ფირაშვილი
ფოტორეპორტიორები: გურამ დოღენჯაშვილი, ბადრი კვიციანი
სტილისტები: ნათელა გიორგობაძი, ლალი ვოხაშვილი
კომპიუტერული ცენტრი: ლეილა ბეგლაროვა, ლია ბესელია,
ზათუნა ბუსუნიაშვილი, ფატი დვალისვილი, მაგა დოგრაშვილი,
რუსუდანი ერისთავი, ზვიად მოსიაშვილი, თამარ ქინლაძე, ზურაბ
წერეთელი

რედაქციის მისამართი:
თბილისი, ალექსანდრე
ყაზბეგის გამზირი 42, II
კორპუსი, IV სართული
საფოსტო მისამართი:
თბილისი - 79, საფოსტო
ყუთი 208. ტელეფონი: 39 48 29
ელექტრონული ფოსტა
sarbieli@eol.ge
ელექტრონული ვერსია
http://www.sarbieli.com.ge

სარედაქციო მისამართი: 38-11-14, 877 54 55 00